

Et 5. unum cum patre, in patre manens cum patre unâ semper operatur quæcunque pater operatur, *Ioh. sapius alleg. locis.* Et 6. talia opera fecit, quæ alius nemo, *Iohan. 15. 24.* Ubi verò unum horum de Prophetis & Apostolis dicitur? Infinita igitur inter opera Christi & horum est & manet differentia. Invieta ergo manet veritas, Christum cum patre & Spiritu sancto verum Deum benedictum in secula, *Romanor. 9. 5.* Nobis enim, quod Tertullianus habet, *omnes scriptura & veteres Christum Dei, & nova filium Dei præfinitunt.* Hoc & retrò predicabatur, hoc & ab ipso Christo pronunciabatur, imò jam & ab ipso patre coràm de cœlis Filium profitente & Filium glorificante: *Hic est Filius meus. Et glorificavi & glorificabo.* Hoc & à Discipulis credebatur: hoc à Iudæis non credebatur: hoc se volens credi ab illis omni horâ patrem nominabat, & patrem præferebat, & patrem honorabat. Hoc ergo & nos credamus, ut credentes Jesum esse Christum Filium Dei, vitam per nomen ipsius habeamus, *Iohan. 20. 31.* Hoc qui non credit seductor est & Antichristus, *epist. Ioh. 2. v. 7.* Fugiamus ergo omnes, qui hanc doctrinam non attulerint, nec Ave eis dicamus, *ibid. v. 10.* sunt enim ministri Satana, qui, ut verbis Cypriani loquar, *subornat eos velut ministros justitia, asserentes noctem pro die, interitum pro salute, desperationem sub obtentu spei, perfidiam sub prætextu fidei, Antichristum sub vocabulo Christi, ut dum verisimilia mentiuntur, veritatem subtilitate frustrentur, &c.*

Lib. adversus Prax.

Cyprian. de simpl. prælat.

INFESTO DD. PETRI ET

Pauli Evangelium, Matt. 16. 13. Marc.

8. 27. 31. Luc. 9. 18. 22.

ARGUMENTUM.

Cum Patre sese unum summo testatur IESVS:

Inde suo mandat nomine cuncta peti.

13. CUM venisset autem Jesus in partes Cesareæ,

Ε'ΑΘΩν δὲ ὁ Ἰησοῦς εἰς τὰ μείζην Καισαρείας τῆς Φιλίππυ.

Υ 5

λίππυ.